



**HORATII TVRSELLINI || ROMANI || E SOCIETATE IESV ||  
LAVRETANAЕ HISTORIAE || LIBRI QVINQVE. ||**

**Torsellini, Orazio**

**Romae, 1597**

Cap. 23. Dona Christinæ Mag.Duc.Hetruriæ.

---

[urn:nbn:de:hbz:466:1-64112](#)

*Aduentus, & dona Christinæ vxoris  
Magni Hetruriæ Ducis.*

*Cap. XXIII.*

**C**aeterum Christinæ vxoris Magni Hetruriæ Ducis aduentus vel pietatis, vel munificentia argumentis maxime insignis fuit. Hæc cum regali pene comitatu Lauretum petens ingentia secum dona attulit. Attamen Christianæ pariter modestiæ, & S. Francisci memor vulgarem vestitum cinerei coloris adamauit: aurum, gemmasque depositus, ut cœlestis Reginæ, cui sciebat cordi semper fuisse paupertatem, illa cultus simplicitate caperet oculos. Et Dominæ exemplum apud ancillas, matronas, asseclas, ipsosque corporis custodes valuit. Omnes Lauretanæ peregrinationis comites, modestiæ quoque, & coloris socij fuere. Nec Clemens Pont. insigni clarissimæ feminæ pietati defuit. Transeunti per Pontificiæ ditionis oppida, vbiique lautiæ præbitæ regio apparatu, qua cumque incedebat, non magis vestitus tenuitas miraculo erat, quam eximia pietas exemplo; vtique posteaquam Laureto appropinquauit. Quippe vbi primum Recinetto egressa, procul Lauretanæ Basilicæ tecta conspexit; consestim lectica, qua vehebatur, exilit: procumbit in genua: B. Virginem salutat de via, nullo asseclarum detrectante pietatis officium, quod Domina occupasset. Inde pedibus cum Episcopis aliquot, cæteroque comitatu Lauretum ingressa, ad B. Mariæ processit Aedem. Ibi contempto puluino, cæteroque apparatu, in sacrosanctæ Domus vestibulo genua submittit venerabunda. Hortantibus certatim Episcopis, ipsoque Cardinale Gallo, vt ipsam Deiparæ cellam intraret, nefas esse respondit ante noxas sacra confessione absteras, augustissimum illud limen intrare, & os suum sanctissimæ Virgini ostendere. Nec ullæ cuius-

cuiusquam preces de proposito eam deducere potuerunt, adeo rara in eius mente insidebat religio Lauretanę Domus. Tandem igitur animo rite expiato, cœlestique dape refecto, sacroſanctam cellam ingreditur. Creuerat pietatis ardor, vt fit, iniecta mora. Ergo B. Mariæ viſendæ, ſalutandæque ſtudio accenſa procidit ſupplex: ibique impenſis precibus plures abſumpſit horas. Neque id ſemel fecit, ſed toto triduo, tandiu enim Laureti ſubſtitit. Quo quidem tempore adeo erat in templo aſſidua, ſacrifque intenta officijs; vt eam in templo habitare crederes. His pietatis indicijs par munificentia reſpondit. Sub di- gressum pueros cum donis regalis opulentia misit in tem- plum. Altarium, ſacerdotis, ministrorumque ſolenni ritu operantium vefteſ inter dona erant, auro, argentoque trifaria in crifante, mirabili opere, artificioque perfe- ctæ: ſuper hæc arę toralia, & materia, & opere maxime inſignia. Quippe totum pene eorum ſpatium occupant Prophetarum, Sibyllarum, Apoſtolorum, Euangeliſtarum im- ages egregiæ, ſcite inſertæ ramuſculis, floribusque. Opus autem vniuersum acu mira prorsus arte depictedum, affirmare auſim, vix quicquam in eo genere artificiosius, preciosius, admirabilius vſpiam factum. ſatis conſtat eius manu preciu m ad octo aureorum millia perueniſſe. Exi- mia ſacrorum calicu m veſmenta, aliaque generiſ eiusdem in doni cumulum accessere.

*Sacerdotis Hispani teſtimoniu m, & do-  
num miraculo inſigne.*

*Cap. XXIV.*

**P**er eadem tempora Alfonsus Sancius Hispanus ſacerdos doctus iuxta, piusque Lauretum venit, recens ab ultimo oriente, inſulisque Sinarum, quæ Philippinæ vocan-